
ХАЛҚАРО АЁЛЛАРГА НИСБАТАН ЗЎРАВОНЛИККА БАРҲАМ БЕРИШ КУНИ МУНОСАБАТИ БИЛАН ФАРҒОНАДА “АЁЛЛАР СПОРТ ФЕСТИВАЛИ” БЎЛИБ ЎТМОҚДА

Бугун Фарғона шаҳридаги “Само” спорт мажмуасида “Аёллар спорт фестивали”нинг тантанали очилиш маросими бўлиб ўтди. Унда Оила ва хотин-қизлар давлат қўмитаси раиси ўринбосари Нодира Эгамбердиева ҳам иштирок этди.

Очилиш тадбирида ушбу фестиваль 25 ноябрдан 10 декабрга қадар Қўмита ҳамда Республика Аёлларни реабилитация қилиш ва мослаштириш маркази ташаббуси билан вилоятимизда ҳам ўтказилаётган “Зўравонликка қарши 16 кун” акцияси доирасида ташкил этилгани таъкидланди.

25 ноябрь – Халқаро аёлларга нисбатан зўравонликка барҳам бериш куни юртимизда ҳам муносиб нишонланаётгани, хотин-қизларни қўллаб-қувватлаш ва уларни тазйиқ ва зўравонликдан ҳимоя қилиш борасида кенг кўламли тизимли ишлар йўлга қўйилгани айтиб ўтилди.

Аёллар ўртасида спорт мусобақаларининг ўтказилаётгани хотин-қизларни спортга бўлган иштиёқини янада ошириш билан бир қаторда соғлом турмуш тарзини мустаҳкамлашга хизмат қилаётгани қайд этилди.

Шундан сўнг ёш спортчиларнинг кўргазмали чиқишлари барчада илиқ таассурот қолдирди.

Ҳакамлар томонидан мусобақа Низоми тушунтирилиб, шашка, стол тенниси, гимнастрада, югуриш, дартс каби спорт турларида шаҳар-туманлардан келган 200 нафардан зиёд иштирокчилар қизғин бахсларга киришдилар.

Мусобақа якунида ғолиблар номи аниқланиб, уларга ташкилотчиларнинг эсдалик совғалари ҳамда дипломлари топширилади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-26 13:54:44